

Comunu de Quartu Sant' Aleni

Tzitadi Metropolitana de Casteddu

DELIBERATZIONI DE SA GIUNTA COMUNALI

Nùmeru 07 su 11/01/2024

Ogetu: PARTENARIAU “LA CAROVANA” SOC. COOP. SOTZIALI ONLUS PO PROGETU CONTRAS A SA POBURESA EDUCATIVA IN S'ÀMBITU DE SU PNRR 2024. ADESIONI.

S'annu 2024, s' 11 de su mesi de Gennaxu, a ora de is 13.00 in Quartu Sant'Aleni, in sa sala comunali, cunvocada cunforma a sa lei, s' est atobiada sa Giunta Comunali. Funt presentis is sennoris:

Sìndigu	Presenti
MILIA Graziano Ernesto	No
Assessoris	
SANNA Salvatore	Eja
CAMBONI Marco	Eja
CARTA Cinzia	Eja
COGONI Tiziana	Eja
CONTI Antonio Mauro	Eja
MANCA Barbara	No
PERRA Rossana	Eja
VANINI Aldo	Eja

Presentis: 7 Ausentis: 2

Pigat parti a sa setziada su Segretàriu Generali Maggio Paolo.

S'Assessori SANNA Salvatore ndi liat sa presidèntzia e, de chi at averiguau chi ddoi at su nùmeru legali, cumentzat sa setziada.

SA GIUNTA COMUNALI

Postu chi custu provedimentu est cunforma a is indiritzus de s'Aministratzioni e pruschetotu:

- a sa Deliberatzioni de su Consillu Comunali n. 114 de su 19.12.2023 chi at aprovau sa Nota de aggiornamentu DOCUMENTU ÒNICU DE PROGRAMATZIONI (DUP) 2024/2026 - ART. 170 c. 1 DE SU D.LGS. 267/2000;
- a sa Deliberatzioni de su Consillu Comunali n. 116 de su 19.12.2023 chi at aprovau su Bilàntziu de Previsioni Finanziàriu 2024/2026 e sa nota integrativa;
- a sa Deliberatzioni de sa Giunta Comunali n. 2 de su 05/01/2024 cun su: "Pianu Esecutivu de Gestioni (PEG) 2024/2026";
- a sa Deliberatzioni de Giunta Comunali n. 25 de su 01.02.2023 cun: "Aprovatzioni Pianu Integrau de Atividade e Organizatzioni (PIAO) Tres Annus 2023/2025";

Biu s'Avisu Pùblicu de su Ministeru de sa Coesioni Territoriali po sa presentatzioni de propostas de interventu po sa seletzioni de progetus sòtziu-educativus contras a sa poburesa educativa in s'itàlia de Mesania a sustennu de su de Tres Setoris de finanziaia in s'àmbitu de su PNRR, Missioni 5 – Cumponenti 3 – Investimentu 3 Interventus sòtziu-educativus - NextGenerationEU –annualidadì 2024;

Cunsiderau chi s'Avisu punnat a cumentzai una protzedura a sportellu po sa cuntzessioni de contributus destinaus a interventus sòtziu-educativus po cumbati sa poburesa educativa in is Regionis de Mesania, afortiendi is servitzius sòtziu educativus a favoris de is minoris de edadi, finantziendi iniziativas de su de Tres Setoris;

Bida sa nota registrada in su prot. n. 188 in dii 02/01/2024 trasmitia de sa Sotziedadi Cooperativa Sotzialì ONLUS "La Carovana", chi at comunicau ca bolit pigai parti cun sa presentatzioni de unu progetu, a s'Avisu Pùblicu arremonau in susu, e at pediu finas s'adesioni a su partenariatu de su Comunu de Quartu Sant'Aleni a su Progetu;

Postu chi sa proposta progetuali chi ddi nant "BIP! (*Benessere Inclusione Partecipazione*)" est a favoris de minoris de edadi intra de is 11 e is 17 annus, po sa promotzioni de sa calidadi de vida de is minoris de edadi, gràtzias a logus e pràticas noas chi agiudint sa partecipatzioni a sa vida de sa comunidadi, is protzessus de inclusioni e amelloramentu de su benèsseri personali e collettivu cun sa partecipatzioni de s'Enti locali, de Entis de su de tres setoris, de su Tzentru po sa Giustìtzia de is minoris, de s'Ufitziu Scolàsticu Regionali, chi s'impinnant in unu sistema integrau de preventzioni a aprontai unu programa atuativu po acumpangiai e favoressi sa crèscida de is giòvunus destinàrius de su progetu;

Pigau atu chi s'adesioni a s'iniziativa no ocasionat gastus de parti de s'Aministratzioni;

Cunsiderau ca s'Aministratzioni comunali bolit promovi is iniziativas de sa Scheda Progetu, chi ponit in allegau a custa deliberatzioni etotu;

Cunsiderau chi serbit a cumentzai is protzeduras po s'adesioni a su partenariatu cun sa Sotziedadi Cooperativa Sotzialì ONLUS "La Carovana" ca su bandu est in scadèntzia su 24/01/2024, po mèdiu de sa registratzioni de s'Enti a sa Prataforma de su Ministeru "bandi.agenziacoesione.gov.it".

Bida sa proposta de deliberatzioni n.10 de su 16/01/2024, de su Setori 6 Políticas Sotzialis e Generatzionalis, po s'argumentu in ogetu;

Arriciu, cunforma a is Artìculus 49 e 147bis de su D.Lgs. 18/08/00 n. 267, su parri a favori de su Dirigenti de su Setori 6 Políticas Sotzialis e Generatzionalis;

Donau atu, finas , chi s'est arriciu parri de cunformidadi aministrativa, a is leis, a su Statutu e a is Regulamentus cunforma a s'art.97, c.2, de su D.Lgs n. 267/00, e a s'art. 4, c.4, de su Regulamentu Comunali asuba de is controllus internus, de parti de su Segretàriu Generali;

Bius:

- su D. Lgs. 267/2000, Testu ùnicu de is Entis Localis;
- su Statutu Comunali.

Cun votatzioni a favori.

DELÌBERAT

De donai atu chi su Comunu de Quartu Sant'Aleni torrat sceda a favori a sa rechesta presentada de sa Sotziedadi Cooperativa Sotziali ONLUS "La Carovana", de adesioni a su Progetu po is interventus sòtziu-educativus contras a sa poburesa educativa in is Regionis de Itàlia de Mesu cunforma a s'Avisu Pùblicu de su Ministeru de sa Coesioni Territoriali, po mèdiu de sa registratzioni a sa Prataforma de su Ministeru "bandi.agenziacoesione.gov.it".

De trasmiti custa deliberatzioni a sa Dirigenti de su Setori Políticas Sotzialis e Generatzionalis, po is provedimentus chi ddi pertocant;

De decrarai cun votatzioni a totòmini chi custa deliberatzioni est esecutiva luegus etotu, cunforma a s' art. 134, puntu 4, de su D.Lgs. 18 de austu 2000, n. 267.